

**Suliniutini angisuuni sanaartornermut atatillugu nunat allamiut
Kalaallit Nunaanni najugaqarallarnissaannut sulinissaannullu
akuineqarsinnaanerat pillugu Kalaallit Nunaanni inatsit**

UAGUT MARGRETHE APPAAT, Guutip saammaanneragut Danmarkip

Dronningia, nalunaarpugut:

Inatsit una Folketingip akuersissutigimmagu Uagullu akuersinitsigut
atuutilersikkatsigu:

§ 1. Nuna allamiu, suliassani angisuuni illuliortiternernik sanaartornermillu suliassat pillugit
Inatsisartut inatsisaat malillugu suliassat pineqartut suliarinissaannut atorfinitstaanermik
isumaqatigiissuteqartup imaluunniit akuerisaasup qinnuteqareerneratigut Kalaallit Nunaanni
najugaqarallarnissamut, Inatsisartut inatsisaanni §§ 10 a, 10 c, 10 d, 10 f aamma 10 g aamma§ 11,
nr. 2 aamma 3, naammassineqarsimatillugit, akuersissummik tunineqarsinnaavoq.

Imm. 2. Sivisunerpaamik ukioq ataaseq najugarallarnissaq piffissamilu tassani sivitsuinissamik
periarfissiinissaq siunertalarugu imm. 1 malillugu najugaqarallarnissamik sulinissamillu akuersissut
nalunaarutigineqarsinnaavoq, taamaattorli takuuk imm. 3.

Imm. 3. Imm. 1 malillugu najugaqarallarnissamut sulinissamullu akuersissut ukiut 5 sinnerlugit
sivitsorneqarsinnaanngilaq.

Imm. 4. Imm. 1 malillugu akuersissut Kalaallit Nunaaliarluni aallannginnermi
pissarsiarineqareersimassaq. Kalaallit Nunaaliarluni aallareernermi tamanna pillugu qinnuteqaat
taamaallaat tunniunneqarsinnaavoq, pissutissanik tamatumunnga akerliusunik immikkut ittunik
soqanngippat.

§ 2. § 1 malillugu qinnuteqaatip kingusinnerpaamik tunniunneranut peqatigitillugu nuna allamiu
610 kr.-inik akiliuteqassaaq.

Imm. 2. Imm. 1 malillugu najugaqarallarnissamik sulinissamillu akuerissutip sivitsornissaanik
qinnuteqaatip kingusinnerpaamik tunniunneranut peqatigitillugu nuna allamiu 690 kr.-inik
akiliuteqassaaq.

Imm. 3. Suliap imm. 1 malillugu suliareqqinnejarnissaanik qinnuteqaatip kingusinnerpaamik
tunniunneranut peqatigitillugu nuna allamiu 795 kr.-inik akiliuteqassaaq.

Imm. 4. Imm. 3 malillugu akiliutigisimasat utertinneqassapput suliareqqinissamik qinnuteqaat
akuineqarsimappat.

Imm. 5. Imm. 1-3 malillugit akiliutissat akilerneqarsimannngippata qinnuteqaat tigujumaneqanngissinnaavoq.

Imm. 6. Akiliutit imm. 1-3-mi taaneqartut 2015-imiit ukiumut ataasiarlugit procenti iluarsiissut malillugu ulloq 1. januarimi iluarsiivigineqartassapput, tak. akiliummut iluarsiissutip procentia pillugu inatsit. Iluarsiissutit pineqartut aningaasanut 5 kr.inik agguarneqarsinnaasumut qaninnermut akunnaallisinneqartassapput.

Imm. 7. Akiliutit imm. 1-3 malillugit akiliutiginissaat pillugu taakkalu utertillugit akiliutiginissaat pillugu inatsisinik atortitsinermut ministeri malittarisassiussaaq.

§ 3. Imm. 1 malillugu najugarallarnissamik sulinissamillu akuerineqarnissamik qinnuteqaat, § 1, imm. 1-imi piumasaqaatit naammassineqarsimanagerat pillugu Naalakkersuiusut oqaaseqaateqaqqunissaannut ilanngullugu nassiunneqassaaq.

Imm. 2. Nunat allamiut pillugit aqutsisoqatigiit nuna allamiu akuersiteeqqaarnagu imm. 1 malillugu suliap suliarinissaanut atatillugu najugarallarnissamik sulinissamillu akuersissut pillugu qinnuteqaammit paassisutissanik Naalakkersuisunut ingerlatitseqqissinnaapput.

Imm. 3. Nunat allamiut pillugit aqutsisoqatigiit nuna allamiu akuersiteeqqaarnagu imm. 1 malillugu najugarallarnissamik sulinissamillu akuersissummik nalunaarummit paassisutissanik Naalakkersuisunut aamma Kalaallit Nunaanni Politimesterimut ingerlatitseqqissinnaapput.

§ 4. Inatsit una malillugu aalajangigassat nunat allamiut pillugit aqutsisoqatigiinnit aalajangerneqartassapput, aalajangiinerit Justitsministereqarfimmuit naammagittaallutiagineqassatinngagit.

§ 5. Aammattaaq nunat allamiut pillugit inatsit inunnut inatsit una malillugu najugaqarallarnissamik sulinissamillu nalunaarfingeqartunut atuutissaaq.

§ 6. Inatsit una malillugu nunat allamiut pineqartut Kalaallit Nunaannut angalanissaat tassanngaaniillu aallarnissaat Naalakkersuisut aamma Rigs politiit oqaloqatigeereernerisigut pilersaarusiorneqartassaaq.

§ 7. Inatsit atuutilersinneqarpoq ulloq 1. juli 2014.

Christiansborg Slotimi tunniunneqarpoq, ulloq 25. juni 2014.

Kunngitut atsiorpugut Naqissusiillatalu

MARGRETHE R.

/ Karen Haekkerup